



Эл-юртимиз ҳозирги оғир шароитда барча синов ва қийинчиликлардан янада кучли ва иродали бўлиб чиқмоқда. Ўзининг ҳаёти ва тақдири, келажаги Ватанимизнинг тақдири ва келажаги билан чамбарчас боғлиқ эканини чуқур ҳис этмоқда.

Шавкат МИРЗИЁЕВ,
Ўзбекистон Республикаси Президенти

Муносабат

ЯНГИ ЎЗБЕКИСТОННИНГ ЯНГИ ИСТИҚБОЛЛАРИ



Нурдинжон ИСМОИЛОВ,
Ўзбекистон Республикаси
Олий Мажлиси Қонунчилик
палатасининг Спикери

Янги қақриқ Ўзбекистон Республикаси Олий Мажлиси Қонунчилик палатаси депутатлари фаолиятининг дастлабки йили — 2020 йил воқеаларга жуда бой ва сермаҳсул бўлди. Парламентимиз ҳаётидаги асосий сиёсий воқеалар Ўзбекистон Республикаси Президентининг 2020 йил давомида икки маротаба парламентга қилган Мурожаатномаси билан узвий боғлиқ ҳолда кечди. Давлатимиз раҳбарининг 2020 йил 24 январдаги Мурожаатномаси парламентнинг 2020 йилги иш режаси учун асос сифатида олинган бўлса, йил якунида бўлиб ўтган Мурожаатнома парламент фаолиятининг яқин истиқболдаги стратегик йўналишларини белгилаб берди.



Президентимиз томонидан ҳар йили парламентга Мурожаатнома йўллаш институти замонавий Ўзбекистондаги муҳим воқеага айланиб, мамлакатимиз сиёсий тизимида катта аҳамият касб этмоқда. Ҳозирги вақтда Давлатимиз раҳбарининг парламентга Мурожаатнома йўллаш институти давлат ва

жамиятни барқарор ривожлантиришни стратегик жиҳатдан самарали режалаштиришни таъминловчи муҳим сиёсий-ҳуқуқий жараён сифатида қарор топди.

▶ Давоми 3-бетда

“Янги Ўзбекистон” учун махсус

Ўзбекистон Президенти маслаҳатчиси
Сума Чакрабартти:

**Шавкат Мирзиёевнинг
Олий Мажлисга Мурожаатномасида
мамлакат қайси йўналишда
ривожланиши аниқ белгилаб берилган**



Ўзбекистон Президентининг иқтисодий ривожланиш, самарали бошқарув ва халқаро ҳамкорлик масалалари бўйича маслаҳатчиси, Европа тикланиш ва тараққиёт банки (ЕТҲ)нинг собиқ президенти Сума Чакрабартти давлатимиз раҳбарининг Олий Мажлисга Мурожаатномаси мазмун-моҳияти ҳақидаги фикр-мулоҳазаларини изҳор қилди.

С.Чакрабартти “Дунё” ахборот агентлигига берган интервьюсида Мурожаатноманинг ўта муҳим аҳамиятини таъкидлаб, нутқ янги Ўзбекистон тараққиёти истиқболларини белгилаб берган дастуриламал экани, ушбу ҳужжатда мамлакат қайси йўналишда ривож топиши аниқ кўрсатилганини қайд этди.

— Президент Шавкат Мирзиёев нутқидаги тўртта муҳим йўналиш алоҳида эътиборга лойиқ, — деди Сума Чакрабартти. — **Биринчидан**, Ўзбекистон Президенти мамлакатнинг ҳар бир фуқароси, айниқса, ёшларнинг эркин келажагини таъминлаш учун зарур бўлган жиҳатларга эътибор қаратди. Бу, албатта, таълим ва соғлиқни сақлаш соҳаларига ажратилган сармоялардир. Мазкур йўналишдаги саъй-ҳаракатлар, айниқса, коронавирус пандемиясидан кейинги давр учун алоҳида аҳамиятга эга.

▶ Давоми 3-бетда

Дунё нигоҳида

Элчи Ёдгорхўжа Шодмонов:

**“Ўзбекистон ва Афғонистон
Президентларининг мунтазам
мулоқоти давлатлараро ҳамкорлик
ривожига кучли туртки бермоқда”**



Ўзбекистон Президенти томонидан 2020 йил сентябрь ойида БМТ Бош Ассамблеясининг 75-сессиясида илгари сурилган муҳим халқаро ташаббуслардан бири Афғонистоннинг ижтимоий-иқтисодий ривожланишига кўмаклашувчи доимий кўмита тузиш ғояси бўлди.

Ўзбекистон ушбу мамлакатнинг минтақадаги энг яқин қўшниси ва ҳамкори сифатида бугунги кунда Афғонистонда барқарор тинчликни ўрнатиш бўйича сиёсий жараёнларда фаол иштирок этмоқда. Бундан ташқари, мамлакатимиз қўшни давлат инфратузилмасини ривожлантириш, кадрлар тайёрлаш тизимини такомиллаштиришда қатнашиб, қардош афғон халқига гуманитар ёрдам кўрсатмоқда.

▶ Давоми 2-бетда

14 январь — Ватан ҳимоячилари куни



**БЎЛАР ЭЛИМ
БОТИРЛАРИ,
ПОСБОНЛАРИ...**

▶ 5-бетга қаранг.

Мезон

ИҚТИСОДИЙ ЎСИШ — ТАРАҚҚИЁТ ПОЙДЕВОРИ

Жаҳон банкининг эълон қилинган прогнозида Ўзбекистон иқтисодиёти 2021 йил 4,3 фоизга, 2022 йилда 4,5 фоизга ўсиши қайд этилди. Бу МДҲ давлатлари орасида энг юқори кўрсаткичлардан бири ҳисобланади.



Давлатимиз раҳбарининг Олий Мажлисга Мурожаатномасида жамият ҳаётининг турли жаҳаллари чуқур таҳлил этилди. Ижтимоий-иқтисодий тармоқлар, банк-молия тизимини ислоҳ этиш билан боғлиқ жиҳатлар оқилона ҳуқуқлар чикаришига ундаши баробарида ҳамжиҳатлик билан ҳаёт синовларини енгиб ўтишга чорлайди. Зеро, мамлакатимиз бутун дунёни иқтисодий тангликка, таҳликага солган пандемияга қарамай,

иқтисодий ўсиш кўрсаткичлари ижобий кўриниш олган кам сонли давлатлар қаторидан ўрин олди. Ўзбекистон “Очiq маълумотларни кузатиш” халқаро индексида 125 поғонага кўтарилиб, 44-ўринни эгаллади. “Иқтисодий эркинлик” рейтингинда ҳам мамлакатимизнинг 26 поғона кўтарилгани ислохотларимизнинг халқаро майдондаги яна бир эътирофи бўлди.

▶ Давоми 2-бетда

2021 йил ТИББИЁТ СОҲАСИДА ҚУЙИДАГИ УСТУВОР ВАЗИФАЛАРГА АЛОҲИДА ЭЪТИБОР ҚАРАТИЛАДИ

Ўзбекистон Республикаси Президенти
Шавкат Мирзиёевнинг
Олий Мажлисга Мурожаатномасидан

- ✔ 2021 йил давлат бюджетидан 3 триллион сўм захира шакллантирилди. Ушбу маблағлар ҳисобидан, албатта, аҳолини коронавирусга қарши эмлаш тадбирлари ҳам амалга оширилади.
- ✔ Санитария-эпидемиология хизмати сифатини ошириш, унинг моддий-техник базасини яхшилаш ва замонавий лабораториялар ташкил этишга 200 миллион доллар йўналтирилади.
- ✔ Она ва бола соғлиғига эътибор — жамиятга, келажаққа эътибордир.
- ✔ 15 ёшгача бўлган болалар ва ҳомиладор аёлларга 7 турдаги витаминлар, болалар учун паразитар касалликларга қарши дори воситалари бепул тарқатилади. Бу жараён билан 2021 йилда — 11 миллион нафар, 2022 йилда — 17 миллион нафар аҳоли қамраб олинади ва бу ишларга 100 миллиард сўм маблағ йўналтирилади.



- ✔ Тиббиётнинг бирламчи бўғинини кучайтириш, айниқса, қишлоқ ва маҳаллаларда тиббий хизматни сифат жиҳатидан янги босқичга кўтариш зарур.
- ✔ Бирламчи бўғинда умумий амалиёт шифокори ўрнига оилавий шифокор ва унга ёрдамчи сифатида 5 нафар ўрта тиббиёт ходимидан иборат “тиббий бригадалар” ташкил этилади.
- ✔ Тиббий хизматлар кўрсатишда бирламчи бўғин қамровини кенгайтириш мақсадида келгуси 3 йилда 315 та “оилавий шифокор” пункти ва 85 та оилавий поликлиника ишга туширилади.
- ✔ Онко-гематология соҳаси ҳамда даволал қийин бўлган касалликлар бўйича мураккаб диагностика ва тиббий амалиётлар учун бюджетдан 250 миллиард сўм ажратилади.

